



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00 i 102/09), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2008. GODINU **BOSS - BOSANSKE STRANKE – Mirnes Ajanović**

Broj: 03-07-6-1535/09
Sarajevo, 29.01.2010. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE	5
5. NALAZI I PREPORUKE	6
5.1. NALAZI.....	6
5.2. PREPORUKE.....	6

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled finansijskih izvještaja BOSS – Bosanske stranke – Mirnes Ajanović za 2008. godinu i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2008. godine.

Rukovodstvo stranke je odgovorno za finansijske izvještaje, postupanje u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

BOSS – Bosanska stranka – Mirnes Ajanović nije ispoštovala odredbe člana 8. stav (1) Zakona o finansiranju političkih stranaka jer je ostvarila prilog koji je zabranjen ovim Zakonom.

Pregledom, odnosno kontrolom finansijskog izvještaja, osim gornje napomene nismo zapazili ništa značajno što bi ukazalo na nedostatke u finansijskom izvještaju ili finansiranju ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) izvršila je pregled finansijskih izvještaja BOSS – Bosanske stranke – Mirnes Ajanović za 2008. godinu i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2008. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08).

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

U godišnjem finansijskom izvještaju za 2008. godinu BOSS - Bosanska stranka – Mirnes Ajanović je iskazala prihod u iznosu od 210.402,73 KM, što je iskazano u narednoj tabeli¹:

Red.br.	Vrsta prihoda	Iznos u KM	Učešće u ukupnom prihodu %
1	Članarina	0,00	
2	Prilozi fizičkih lica	0,00	
3	Prilozi pravnih lica	0,00	
4	Prihodi od imovine	111,54	0,05%
5	Prihodi od pr.lica	0,00	
6	Prihodi od poklona	0,00	
7	Prihodi iz budžeta	210.291,19	99,95%
	Ukupni prihodi:	210.402,73	100,00%

Prema podacima iz godišnjeg finansijskog izvještaja BOSS – Bosanska stranka – Mirnes Ajanović je ostvarili rashode u iznosu 235.841,41 KM².

2. PREDSTAVLJANJE POLITIČKE STRANKE

Naziv političke stranke je BOSS – Bosanska stranka – Mirnes Ajanović. Skraćeni naziv stranke je BOSS. Stranka je registrovana 08.05.2006. godine u Općinskom sudu u Tuzli pod brojem 032-0-REG-06-000792.

Sjedište BOSS – Bosanske stranke – Mirnes Ajanović je u Tuzli, ulica Kojšino broj 7.

¹ Podaci u tabeli su preuzeti iz korigovanog finansijskog izvještaja stranke. Stranka je u skladu sa članom 13. stav (3) dobrovoljno djelimično otklonila propuste koji su stajali u Preliminarnom izvještaju i izmjenjene obrasce Godišnjeg finansijskog izvještaja dostavila CIK BiH dana 11.01.2010. godine.

² Podaci u tabeli su preuzeti iz korigovanog finansijskog izvještaja stranke koje je dostavljeno 11.01.2010. godine CIK BiH.

Lice ovlašteno za zastupanje stranke je Mirnes Ajanović, predsjednik stranke.
Lice ovlašteno za podnošenje finansijskih izvještaja za 2008. godinu je Nedžad Zonić.

Prema podacima iz godišnjeg finansijskog izvještaja za 2008. godinu, BOSS ima sljedeće organizacione odbore:

- Glavni odbor BOSS Tuzla i
- 19 opštinskih odbora.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj BOSS – Bosanske stranke – Mirnes Ajanović za 2008. godinu i finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora održanih u oktobru 2008. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je BOSS – Bosanska stranka – Mirnes Ajanović u izvještajnom periodu postupala u skladu sa odredbama Zakona o finansiranju političkih stranaka i člana 15.10. Izbornog zakona Bosne i Hercegovine. Ukoliko revizor na bazi kontrole finansijskog izvještaja utvrdi određena kršenja Zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja BOSS – Bosanske stranke – Mirnes Ajanović obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka.

4. PRETHODNE KONTROLE I REVIZIJE

U prethodnom periodu izvršen je pregled godišnjih finansijskih izvještaja BOSS – Bosanske stranke – Mirnes Ajanović za 2005. i 2006. godinu, a za 2007. godinu je izvršena revizija finansijskih izvještaja u prostorijama stranke. Nakon obavljenih pregleda, odnosno revizije finansijskih izvještaja ove političke stranke, izdat je izvještaj sa mišljenjem revizora, nalazima i preporukama revizije da stranka treba da postupa u skladu sa odredbama člana 11. stav (3) Zakona o finansiranju političkih stranaka.

Nerealizovane preporuke

Na osnovu uočenih nedostataka u godišnjem finansijskom izvještaju za 2008. godinu, utvrđeno je da politička stranka i dalje krši odredbe člana 8. stav (1) Zakona o finansiranju političkih stranaka.

5. NALAZI I PREPORUKE

5.1. NALAZI

BOSS – Bosanska stranka – Mirnes Ajanović je prekršila odredbe člana 8. stav (1) Zakona o finansiranju političkih stranaka.³

Stranka je ostvarila zabranjeni prilog koristeći bez naknade poslovne prostorije u vlasništvu Općine Donji Vakuf,⁴ suprotno odredbama člana 8. stav (1) Zakona.

Troškovi predizborne kampanje

BOSS – Bosanska stranka – Mirnes Ajanović je postupila u skladu sa odredbama člana 15.10 Izbornog zakona BiH, odnosno u svrhu izborne kampanje je potrošila 95.006,51 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM⁵ po biraču u svakom izbornom krugu, prema broju birača koje je objavila Centralna izborna komisija BiH.

Prema podacima Centralne izborne komisije BiH, BOSS – Bosanska stranka – Mirnes Ajanović je u svrhu izborne kampanje za Lokalne izbore 2008. godine mogla potrošiti 462.939,90 KM.

5.2. PREPORUKE

Preporučuje se BOSS – Bosanskoj stranci – Mirnes Ajanović da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da postupa u skladu sa odredbama člana 8. stav (1) Zakona o finansiranju političkih stranaka, odnosno da se ne finansira priložima koji su zabranjeni ovim Zakonom.***

KOMENTAR

BOSS – Bosanska stranka – Mirnes Ajanović se u ostavljenom roku aktom od 11.01.2010. godine očitovala te u istom dala primjedbe na nalaze revizije u smislu člana 8. stav (1) Zakona o finansiranju političkih stranaka i dobrovoljno djelimično otklonila nedostatke u popunjavanju finansijskog izvještaja u skladu sa članom 13. stav (3) Zakona o finansiranju političkih stranaka.

³ Državni, entitetski i kantonalni organi, organi općinskih i mjesnih zajednica, javne institucije, javna preduzeća, humanitarne organizacije, preduzeća koja su po samoj svojoj djelatnosti isključivo neprofitna, vjerske zajednice, kao i privredna udruženja u kojima uloženi javni kapital iznosi najmanje 25% ne mogu finansirati političke stranke.

⁴ Akt Općine Donji Vakuf broj 02-05-1390/09 od 23.03.2009. godine.

⁵ Član 15.10 stav 2. istog člana propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

Po istom prigovoru Centralna izborna komisija Bosne i Hercegovine je zatražila od Općine Donji Vakuf da dostavi podatke o uplatama zakupnine stranke BOSS za 2008. godinu i dokaze o neizmirenim obavezama stranke za zakupninu prema Općini Donji Vakuf.

Služba za reviziju je na osnovu akta broj 02-05-1390/09 od 15.01.2010. godine koji je dostavila Općina Donji Vakuf konstatovala da primjedbe koje se odnose na prekršaj člana 8. stav (1) nisu argumentovane relevantnim dokazima. Naime, u dostavljenom aktu Općina Donji Vakuf navodi da stranka koristi prostorije navedene općine i da je u toku izrada Odluke o kriterijima i mjerilima dodjele u zakup poslovnih prostorija općine. Takođe, se navodi da s obzirom na to da ne postoji odgovarajući upravni akt općine koji bi regulisao ovu tematiku, općina nema podatke o uplatama zakupnine niti dokaze o neizmirenim obavezama za zakupninu stranke prema Općini Donji Vakuf.

S obzirom na to da nisu dostavljeni dokazi koji bi uticali na nalaze i mišljenje dato u Preliminarnom izvještaju o pregledu godišnjeg finansijskog izvještaja za 2008. godinu, nalazi i mišljenje koji se odnose na član 8. stav (1) ostaju nepromjenjeni.

Mr. Hasida Gušić, šef Službe za reviziju – revizor

Veliborka Kravljača, pomoćnik revizora